



SIUMUT INATSISARTUNI ILAASORTAATITAT

Nuuk, 26.januar 2012

Inatsisartut suleriaasianni § 37 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

Sisimiut avataanni assagiarsunniarnerup qanoq sivisutigisumik matoqqatinneqarnissaa assagiarsunniartartut naatsorsuutigissavat?

Assagiarsunniutinik angallataatillit assagiarsunniaqqusaajunnaaqqanerminni sunik allanik aningaasarsiorfissaannik Naalakkersuisut neqeroorutissaqarnerlutik?

Malik Berthelsen aamma Kim Kielsen, Siumut

Tunggavilersuut:

Biologit innersuussuteqarnerat tunggavigalugu 2011 aamma 2012 Sisimiut avataanni assagiarsunniartarfiit matoqqatinneqarput. Taamanikkumiillu assagiarsunniutinik angallataatillit angallataat aningaasanik isertitaqaratik uninngaannalernikuupput, sinerissap qanittuani assagiarsunniaqqusaannginnertik pissutigalugu.

Soorunami assagiarsuqassutsip illersorneqarnissaa tamatta pingaartitaraarput. Taamaakkaluartoq angallataatillit angallatiminnut akilersugaqarmata arlaatigut aningaasarsiorfigisinnaasaannik neqeroorfigineqarsinnaasariaqartut isumaqarpugut. Tassami inuussutissarsiuatissaminnik aningaasaliisimasut naalakkersuinikkut aalisarfiinit matusinermi inuussutissarsiuatiminnik ajutoornissaat tamatta kissaatigisarinnigikkipput qularinnigilarput. Maannamut assagiarsunniutaatillit ukioq sinnerlugu angallataat isertitaqaratik uninngatinneqareermata ukiormannalu pisassinneqaqqigatik, paaserusunnarpoq aningaasarsiuleqqinnissaannik Naalakkersuisut sunik neqeroorutissaqarnerlutik.